

2001-11-15
kioskoa**Eneko Bidegain**

Kabul, kezka iturri

Kabul «hain laster» erortzeaz hainbat galdera eta kezka azaldu ziren atzoko editorialetan. Iparraldeko Aliantzak giza eskubideak errespetatuko ote dituen galdetzen dute. **L'Humanite**-k duela bost urte talibanak Kabul «askatzaile gisa» sartu zirela oroitarazi zuen. «Laster erakutsi zuten haien zinezko aurpegia». Iparraldeko Aliantzaren «buruzagi batzuen iraganak» ere kezkak sorrarazten dizkio egunkari horri. **Gara**-k Mazar-i-Sharif-en gertatu «exekuzio masiboak, bahiketak eta ohointzak» azpimarratu zituen.

Berriz nagusitu den indar horrek boterea nola kudeatuko duen zalantzak sortzen ditu. «Talibanen aurkako uzbekiarrak eta tadjikiarrak postura onean dira boterearen partikatzeari haien abantailetan negoziatzeko» zioen **Liberation**-ek. Alta, **Gara**-ren ustez, «egonkortasuna ez da ziurtatzen ahaliko pas-tun etnia kontuan hartu gabe». **L'Humanite**-k eta **Sud-Ouest**-ek NBek «urgentzia» horren aurrean bete beharko duen ardura aipatu zuten.

Estatu Batuek «ez ote zuten Kabul hartzeko bizkor hori» nahi, «aurkakoa erran arren», galdetzen du **Le Monde**-k. «Gerra diplomazia baino lasterrago aitzinatuz», Estatu Batuek «indar multinazional baten sortzea eta horren buru izatea lor» dezakete. «Bin Laden kalterik ez eragiteko egoeran utzi arte, Estatu Batuek ez dute gerraren helburu nagusia lortuko». Birtartean, Talibanen zinezko egoera zein den eta zein erantzun emateko prestatzen ari ote diren galdetzen du **Sud-Ouest**-k. **Liberation**-ek Pakistan «galtzaile handiak» jasan ditzakeen ondorioak agertu ditu. Kabul erori da, baina gerrak mehatxuka darrai.

Egunkaria 3.399. zenbakia

Ohorezko Lehendakaria: Martin Ugalde

Administratzaile Kontseiluko Lehendakaria: Joan Mari Torrealdai

Kontseilari Ordezkarria: Inaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ Araba: San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715

Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511

martintxo



hizpideak

Nafarroako diruen %0,22, euskararentzako

Euskararentzako diru partidak murriztu nahi ditu Nafarroako Gobernuak, UPNk, datorren urteko aurrekontuetan. Gobernuak atzo igorri zituen aurrekontuak Parlamentura, eta bertan %12ko murrizketa dago euskararentzako diru laguntzetan iazko aurrekontue-

kin alderatuta: iaz 2.082 milioi pezeta, eta aurtun 1.832,35 (iaz 12,5 milioi euro, eta aurtun 11 milioi). Kontuan hartu behar da, gainera, iaz jada %4 egin zutela behera euskararentzako partidak Nafarroan; horrenbestez, %16 egin dute behera euskararen diruak azken bi urteetan. Nafarroako Gobernuak 1995. urtean hasi zen euskararentzako diruak murrizten, urte horretatik aitzina aurrekontu orokorrak baino gutxiago hazi dira beti euskararentzako laguntzak. Aurtengoa da, ordea, Miguel Sanzek zuzentzen duen gobernuak

egin duen urrats larriena. Aurrekontua bere osotasunean hartuta, %0,22 izango da, azkenean bere horretan onartzen bada, aurtun euskararentzat erabiliko den dirua.

Aurrekontuek jadanik CDNren babes jaso dute. Bi alderdi horiek ez dute gehiengo egitasmoa aurrera ateratzeko. Ikusi egin behar gainontzeko alderdiek, PSNk batez ere, zer erabakitzen duen. Oraingoz ezezkua eman diote, baina orain arte erakutsitako jarrera kontuan izanik, ez dirudi euskararen partidak direnik horren arrazoia.



Juan Jose Lizarbe PSNko idazkaria eta Miguel Sanz Nafarroako presidentea, aurrekontuez eztabaidan.

Kabulgo bizilagunak bizikletan, Iparraldeko Aliantzako tanke baten aurrean.



Bazterreko erantzuna

Iritzi kontrajarriak sortu ditu Frantziako Gobernuak Ipar Euskal Herriarentzat «hurbileko administrazioaren azkartzea» iragartzeak. Ipar Euskal Herriko klase politiko zabal batek Pariseri egindako eskaerari, hala nola euskal departamenduari, bi goi funtzionario gehiago hartzearekin erantzun diote. Funtzionario horien eta Baionako suprefetaren lana Hitzarmen Bereziaren betetzea ziurtatzea izan da. Oronen buru, herenegun iragarri neurriekin, orain arte hartuak izan direnei ez diete ia ezer ere gehitzen. Gehienik poztu den sektorea Jean Espilondok ordezkatzeko duen jakobinoena da. Departamenduaren aldeko hautetsientzat «Euskal Herriaren ezagupen» bat da, baina ez dela eskatu zutena onartzen dute. Abertzaleen iduriko, ordea, «Euskal Herriaz trufatzea» da, eta «ez ditu arazoak konpontzen». Eskaera zehatz bati ematen zaion bazterreko erantzun bat baizik ez dela iduri du.

Talibanen aurkako paxtunen altxamendua

Afganistango talde etniko nagusia diren paxtunak talibanen eta Iparraldeko Aliantzaren aurka altxatzen hasi ziren atzo herrialdearen hegoaldean. Jalalabad hiria hartu zuten, orain arte talibanen gotorlekua izan den Kandaharren sartu ziren, eta beste lau eskualde mendean hartu zituzten. Erregimen talibanak, beraz, oposizio taldeei bakarrik ez, etnia bereko buruzagiei ere aurre egin behar die gerra irabazi nahi izanez gero. Diplomazia borroka, berriz, Aliantzak hartu zuen bere gain atzo, herrialdeko ministerio nagusien kontrola eskuratu baitzuen, nahiz eta etnia guztien arteko gobernu osatzeko prest zegoela berretsi. Gobernu hori nolakoa izango den aztertzen ari da Nazio Batuen Erakundea, eta hasteko etnietako buruzagiak «ahal bezain laster» biltzea nahi du.